

	kr./klst.
Natríum	5.740
Óleysanlegt í vatni.....	3.235
Raki og bundið vatn	2.225
Súlfat	6.410

3. gr.

Innifalið í gjaldi fyrir rannsóknir sem getið er í 2. gr., er skjalfest yfirlýsing um niðurstöður rannsókna.

4. gr.

Sé um að ræða sérstaka framsetningu á niðurstöðum eða auka mæliblað/vottorð, er tekið sérstakt gjald kr. 1.885. Fyrir greinargerð með niðurstöðum er greitt skv. tímamælingu.

5. gr.

Stofnunin áskilur sér rétt til að leggja á aukagjald sé óskað forgangs þannig að yfirvinna sé nauðsynleg vegna mælinganna.

6. gr.

Gjald fyrir rannsóknir sem ekki eru taldar upp í 2. gr., skal ákveða í samræmi við fjölda vinnustunda og gjald sbr. 1. gr.

7. gr.

Stofnuninni er heimilt að vinna eftir föstum verktíloðum eða verksamningum og er þá stuðst við texta sbr. 1. gr. og 2. gr. gjaldskrárinnar.

8. gr.

Gjaldskrá þessi er sett samkvæmt lögum nr. 64, 21. maí 1965, um rannsóknir í þágu atvinnuveganna. Hún öðlast gildi 1. janúar 1999. Jafnframt er felld úr gildi gjaldskrá Rannsóknastofnunar fiskiðnaðarins nr. 257, 4. maí 1998.

Sjávarútvegsráðuneytinu, 21. desember 1998.

Þorsteinn Pálsson.

Árni Kolbeinsson.

REGLUGERÐ

um snyrtivörur.

Gildissvið og skilgreiningar.

1. gr.

Ákvæði reglugerðar þessarar taka til framleiðslu, innflutnings, dreifingar, notkunar, innihalds og merkinga snyrtivara ásamt kynningu þeirra. Ákvæði reglugerðar þessarar taka ekki til vöru sem fellur undir lyfjalög nr. 93/1994.

2. gr.

Snyrtivörur eru efni eða efnablöndur sem ætlaðar eru til notkunar á mannslíkamann s.s. hörund, hár, neglur, varir, ytri kynfæri, tennur eða slímhimnu í munni.

Snyrtivörum er einkum ætlað að hreinsa, breyta útliti, veita ilm, bæta líkamsþef eða vernda og halda líkamshlutum í góðu ástandi.

Í viðauka 1 við reglugerð þessa er leiðbeinandi listi yfir flokka snyrtivara.

Takmarkanir.

3. gr.

Snyrtivörur mega ekki, við eðlilega notkun, vera skaðlegar heilsu manna.

4. gr.

Óheimilt er að framleiða, flytja inn, selja eða dreifa snyrtivörum sem innihalda:

- a) Efni sem talin eru upp í viðauka 2. Þó eru leyfar af efnum í viðauka 2 heimilar í snyrtivörum ef tæknilega er ókleift að komast hjá efnaleyfum þrátt fyrir góða framleiðsluhætti.
- b) Efni sem talin eru upp í viðauka 3 ef þau eru notuð utan þeirra marka eða án þeirra skilyrða sem þar er kveðið á um.
- c) Litarefni önnur en þau sem tilgreind eru í viðauka 4. Litarefnin ber að nota innan þeirra marka og með þeim skilyrðum sem þar er kveðið á um. Snyrtivörur sem eingöngu eru ætlaðar til hárlitunar eru undanþegnar þessu ákvæði.
- d) Rotvarnarefni önnur en þau sem tilgreind eru í viðauka 5. Rotvarnarefnin ber að nota innan þeirra marka og með þeim skilyrðum sem þar er kveðið á um. Heimilt er í sérstökum tilgangi að nota efni sem merkt eru með (x) í viðauka 5 í öðrum styrk en mælt er fyrir um, ef tilgangurinn kemur greinilega fram í kynningu vörunnar.
- e) Efni til síunar útfjólublárra geisla önnur en þau sem tilgreind eru í viðauka 6. Efnin sem ætluð eru til síunar útfjólublárra geisla ber að nota innan þeirra marka og með þeim skilyrðum sem þar er kveðið á um.
- f) Efni eða efnablöndur sem prófuð hafa verið á dýrum. Ákvæði þetta tekur gildi 30. júní 2000.

Merkingar.

5. gr.

Við merkingu og kynningu snyrtivara skal hafa til hliðsjónar að þær mega ekki, við eðlilega notkun, vera skaðlegar heilsu manna. Þess skal einnig gætt að ekki sé notað orðalag, heiti, ímyndir eða önnur tákn, sem gefa til kynna eiginleika sem snyrtivörur hafa ekki.

6. gr.

Ílát og umbúðir fyrir snyrtivörur skulu merktar með óafmáanlegu, auðlæsilegu og greinilegu lettri. Merkingar skulu vera á íslensku, ensku eða Norðurlandamáli öðru en finnsku. Þó skulu notkunarreglur og varnaðarorð sem fram koma í viðaukum 3, 5 og 6 vera á íslensku. Snyrtivörur á úðabrusum skulu vera merktar í samræmi við sérákvæði um merkingar í reglugerð um flokkun, merkingu og meðferð eitrefna, hættulegra efna og vörutegunda, sem innihalda slík efni, nr. 236/1990, með síðari breytingum.

7. gr.

Eftirfarandi upplýsingar skulu koma fram á íláti og umbúðum fyrir snyrtivörur:

- a) Nafn og heimilisfang framleiðanda, innflytjanda eða umboðsaðila á Evrópska efnahagssvæðinu.

- b) Nettómagn vörunnar gefið upp í einingum metrakerfisins (kg, g, l, ml), nema innihaldið sé minna en 5 g eða 5 ml. Umbúðir ókeypis sýna eða innri umbúðir utan um einstaka skammta eru einnig undanþegin þessum kröfum.
- c) Fyrningardagsetning, fyrir vörur með minna geymsluþol en 30 mánuði. Geymsluþol skal merkjast sem „best fyrir“ þar sem fram kemur dagsetning eða getið er um hvar dagsetninguna er að finna á umbúðunum. Fyrningardagsetning er gefin upp sem mánuður og ár.
- d) Sérstakar varúðarráðstafanir sem viðhafa skal við notkun sem tilgreindar eru í dálkinum „*notkunarreglur og varnaðarorð sem skylt er að prenta á merkimiðann*“ í viðaukum 3, 5 og 6 skulu prentaðar á ílát og umbúðir á íslensku. Ef framangreindum áletrunum verður ekki við komið skulu þær koma fram á fylgiseðli, merkimiða, límmiða eða korti sem fylgja íláti og umbúðum og skal það gefið til kynna á umbúðum og íláti annað hvort með styttnum upplýsingum eða tákni, sbr. viðauki 8.
- e) Númer framleiðslulotu eða framleiðslunúmer. Ef vörur eru í smáum ílátum er nægjanlegt að þessar upplýsingar komi fram á ytri umbúðum.
- f) Tilætluð notkun vörunnar, nema það komi skýrt fram í kynningu hennar.
- g) Innihaldsefni snyrtivara í röð eftir minnkandi magni, sbr. 8., 9., 10. og 11. gr. Ef þessu verður ekki við komið skal innihald vörunnar tilgreint á fylgiseðli, merkimiða, límmiða eða korti sem fylgja íláti og umbúðum og skal það gefið til kynna á umbúðum og íláti annað hvort með styttnum upplýsingum eða tákni, sbr. viðauki 8.

8. gr.

Heimilt er að skrá innihaldsefni að styrkleika undir 1% á ílát og umbúðir í hvaða röð sem er á eftir efnum sem eru yfir 1% að styrkleika.

Heimilt er að skrá litarefni í hvaða röð sem er á eftir öðrum innihaldsefnum.

9. gr.

Innihaldsefni sem skráð eru á ílát og umbúðir skal tilgreina með heiti í samræmi við nafnakerfi fyrir innihaldsefni snyrtivara INCI¹⁾. Ef slíkt heiti er ekki til skal nota efnaheiti, CTFA²⁾-heiti, heiti í Evrópsku lyfjaskránni, heiti samkvæmt tilmælum WHO³⁾-, EINECS⁴⁾-, IUPAC⁵⁾-, CAS⁶⁾- eða CI⁷⁾-númer (litaskrárnúmer).

Fyrir efnablöndur sem gefa ilm og angan og þau hráefni sem þær eru unnar úr skal nota orðin „ilmefti“ eða „lyktarefti“ („perfume“ eða „flavour“).

Fyrir snyrtivörur sem framleiddar eru í mörgum litbrigðum er heimilt að skrá öll litarefni á merkimiðann, að því tilskildu að orðunum „getur innihaldið“ („may contain“) sé bætt við.

10. gr.

Þar sem því verður ekki við komið að birta upplýsingarnar sem um getur í staflið g), 7. gr. á íláti, umbúðum, fylgiseðli, merkimiða, límmiða eða korti, vegna stærðar, gerðar eða

¹⁾ INCI: International Nomenclature Cosmetic Ingredient

²⁾ CTFA: Cosmetic, Toiletry and Fragrance Association in USA

³⁾ WHO: World Health Organization - Alþjóðaheilbrigðismálastofnunin

⁴⁾ EINECS: European Inventory of Existing Commercial Chemical Substances — Evrópuskrá yfir markaðssett efni

⁵⁾ IUPAC: International Union of Pure and Applied Chemistry

⁶⁾ CAS: Chemical Abstract Service

⁷⁾ CI: Color-Index - Litaskrá, sbr. Rowe Index, 3. útgáfa, Society of Dyers and Colourists, Bradford, England 1979.

lögunar vörunnar, t.d. þegar um er að ræða sápu, baðkúlur og aðrar smávörur, skal birta þær í tilkynningu við ílátið þar sem viðkomandi snyrtivara er til sýnis og sölu.

11. gr.

Ef snyrtivara inniheldur efni sem fellur undir ákvæði reglugerðar um flokkun, merkingu og meðferð eiturefna, hættulegra efna og vörutegunda, sem innihalda slík efni, nr. 236/1990, með síðari breytingum, skal merkja vöruna á íslensku í samræmi við ákvæði reglugerðarinnar.

Undanþágur frá merkingum.

12. gr.

Þegar snyrtivara er markaðssett á Íslandi og um er að ræða fyrstu markaðssetningu hennar á Evrópska efnahagssvæðinu er framleiðanda, innflytjanda eða umboðsmanni heimilt vegna viðskiptaleyndar að sækja um undanþágu frá ákvæðum um merkingu með upplýsingum um ákveðin innihaldsefni, sbr. staflíð g), 7. gr. Sækja skal um undanþáguna áður en varan er sett á markað og skal umsóknin send Hollustuvernd ríkisins.

13. gr.

Umsókn um undanþágu frá innihaldsmerkingum samkvæmt 12. gr. skulu fylgja eftirfarandi upplýsingar:

- a) Nafn umsækjanda og/eða heiti fyrirtækis.
- b) Heimilisfang umsækjanda.
- c) Nákvæmar upplýsingar um innihaldsefni sem undanþágan á að ná til, þar með talið:
 - 1) CAS-, EINECS- og CI-númer, almennt efnaheiti, IUPAC-heiti, INCI-heiti, heiti í Evrópsku lyfjaskránni og heiti samkvæmt tilmælum WHO,
 - 2) ELINCS⁸⁾-heiti og númer sem efninu er úthlutað ef tilkynnt hefur verið um það í samræmi við tilskipun ráðsins 67/548/EBE⁹⁾, ásamt upplýsingum um samþykki eða synjun umsóknar um undanþágu samkvæmt 19. gr. þeirrar tilskipunar.Ef heiti eða númer sem um getur í 1. og 2. tl. hér að framan eru ekki til, t.d. þegar um er að ræða náttúruleg innihaldsefni, skal getið um heiti undirstöðuefnis, heiti plöntu- eða dýrahlutans sem efnið er unnið úr svo og heiti hjálpar- og burðarefna, t.d. leysiefna.
- c) Mat á öryggi fullunninnar vöru með tilliti til heilsu manna. Taka skal mið af efnafræðilegri byggingu og áhrifum innihaldsefna á heilsu ásamt notkunarsviði vörunnar.
- d) Fyrirhuguð notkun efnisins, einkum upplýsingar um vöruflokka sem það er ætlað í.
- e) Ítarleg greinargerð um ástæður fyrir því að sótt er um undanþágu.
- f) Heiti allra vörutegunda sem nota á efnið eða efnin í, séu þau þekkt, ásamt nákvæmum upplýsingum um sérhvert vöruheiti. Ef varan hefur ekki fengið nafn má tilkynna það síðar, þó eigi síðar en 15 dögum áður en hún er sett á markað. Ef efnið er notað í margar vörutegundir er nægilegt að leggja fram eina umsókn, að því tilskildu að Hollustuvernd ríkisins fái skýrar upplýsingar um hverja vörutegund fyrir sig.
- g) Yfirlýsing þar sem fram kemur hvort samskonar umsókn vegna viðkomandi efnis hefur verið send lögbærri yfirvaldi í öðru ríki á Evrópska efnahagssvæðinu ásamt upplýsingum um niðurstöðu þeirrar umsóknar.

14. gr.

Hollustuvernd ríkisins skal taka umsókn um undanþágu til umfjöllunar og tilkynna umsækjanda ákvörðunina skriflega innan fjögurra mánaða frá því að umsókn berst. Við

⁸⁾ ELINCS: European List of Notified Chemical Substances — Evrópskrá yfir tilkynnt efni

⁹⁾ Stjtið. EB nr. L 196, 16. 8. 1967, bls. 1

sérstakar aðstæður er heimilt að lengja umfjöllun um umsókn um allt að tvo mánuði en skal þá tilkynna umsækjanda það skriflega og hvenær ákvörðun muni liggja fyrir.

Ef umsókn er samþykkt skal senda umsækjanda skráningartölu sem vörunni er úthlutað. Skráningartalan skal koma fram í innihaldslýsingu í stað innihaldsefnis vörunnar sem um ræðir, sbr. staflíð g), 7. gr.

Sé umsækjanda synjað um undanþágu skal það rökstutt og skulu umsækjanda látnar í té upplýsingar um áfrýjunarleiðir og áfrýjunarfrest.

15. gr.

Allar breytingar á upplýsingum, sem lagðar hafa verið fram samkvæmt 13. gr., skulu sendar svo skjótt sem verða má til Hollustuverndar ríkisins.

Verði breytingar gerðar á heitum snyrtivara með umræddu efni skal tilkynna það Hollustuvernd ríkisins eigi síðar en 15 dögum áður en vörunar eru markaðssettar undir nýju heiti.

Hollustuvernd ríkisins er heimilt að fella undanþágu úr gildi með hliðsjón af breytlingunum sem um getur í 1. mgr. eða ef þörf krefur vegna nýrra upplýsinga, einkum ef þær varða heilsu manna. Slík ákvörðun skal tilkynnt umsækjanda innan þess frests og í samræmi við þá málsmæðferð sem um getur í 14. gr.

16. gr.

Veitt undanþága gildir í fimm ár. Ef aðili sem fengið hefur undanþágu telur, að sérstakar ástæður séu til þess að lengja gildistíma undanþágunnar, getur hann lagt fram rökstudda umsókn um slíka beiðni til Hollustuverndar ríkisins.

Úrskurðað skal um umsókn um framlengingu gildistíma innan sama frests og með sömu skilyrðum og um getur í 14. gr.

Gildistíma undanþágu má ekki framlengja lengur en þrjú ár.

Tilkynningaskylda, eftirlit og rannsóknir.

17. gr.

Þegar snyrtivara er markaðssett á Íslandi og um er að ræða fyrstu markaðssetningu á Evrópska efnahagssvæðinu skal framleiðandi, innflytjandi eða umboðsmaður tilkynna Hollustuvernd ríkisins um heimilisfang framleiðanda snyrtivörunnar eða heimilisfang þess aðila sem annast innflutning hennar áður en hún er sett á markað.

18. gr.

Heilbrigðiseftirlit sveitarfélaga, undir yfirumsjón Hollustuverndar ríkisins, hefur eftirlit með því að ákvæðum reglugerðar þessarar sé framfylgt og fer um slíkt samkvæmt lögum nr. 7/1998 um hollustuhætti og mengunarvarnir.

19. gr.

Framleiðandi, innflytjandi eða umboðsmaður snyrtivara skal hafa eftirfarandi upplýsingar tiltækar fyrir eftirlitsaðila:

- Efnasamsetningu vörunnar. Þegar um er að ræða ilmvötn eða ilmgefandi blöndur skal einnig koma fram heiti og flokkunarnúmer ilmefnablöndu ásamt upplýsingum um birgja.
- Eðlisefna- og örverufræðilegar tækniforskriftir hráefna og fullunninna vara, hreinleika efnanna og vottorð um örverufræðilegt eftirlit sem gilda fyrir viðkomandi snyrtivörur.
- Framleiðsluaðferð í samræmi við góða framleiðsluhætti.
- Mat á öryggi fullunninnar vöru með tilliti til heilsu manna. Taka skal mið af efna-

- fræðilegri byggingu og áhrifum innihaldsefna á heilsu ásamt notkunarviði vörunnar.
- e) Nafn og heimilisfang eins eða fleiri einstaklinga sem annast matið, sbr. staflíð d).
 - f) Fyrirliggjandi upplýsingar um óæskileg áhrif á heilsu manna vegna notkunar viðkomandi snyrtivöru.
 - g) Gögn er staðfesta verkun sem viðkomandi vara er sögð hafa ef eðli vörunnar eða áhrifanna gefa tilefni til þess.

20. gr.

Rannsóknir á efnainnihaldi snyrtivara skulu framkvæmdar samkvæmt ákvæðum tilskipana um greiningaraðferðir til eftirlits með samsetningu snyrtivara, sbr. viðauka 7.

21. gr.

Hollustuvernd ríkisins skal ef svo ber undir annast rannsóknir vegna opinbers eftirlits með snyrtivörum. Stofnunin getur þó falið öðrum viðurkenndum rannsóknarstofnunum, innlendum eða erlendum, að annast slíkar rannsóknir. Farið skal með niðurstöður rannsókna sem trúnaðarmál.

22. gr.

Hafi eftirlitsaðili rökstudda ástæðu til að ætla að tiltekna snyrtivörur, þrátt fyrir að uppfylla skilyrði reglugerðar þessarar, geti skaðað heilsu manna, þá er honum heimilt að stöðva sölu eða takmarka dreifingu vörunnar tímabundið á meðan rannsókn, sem ekki skal taka lengri tíma en fjórar vikur fer fram. Þó er heimilt að framlengja þennan frest um allt að fjórar vikur ef sérstakar ástæður vegna rannsóknarinnar krefjast að stöðvun sölu eða takmörkun á dreifingu vörunnar verði framlengd.

Telji eftirlitsaðili eftir rannsókn á snyrtivöru þeirri sem sala hefur verið stöðvuð á eða dreifing hennar takmörkuð, að hún sé skaðleg heilsu manna þá er honum heimilt með rökstuðningi að stöðva sölu og dreifingu vörunnar. Framleiðandi eða innflytjandi ber kostnað vegna þeirra sýnishorna sem send eru til rannsóknar svo og allan kostnað af afturköllun vöru. Framleiðandi eða innflytjandi ber allan kostnað af tilkynningu um hættulega vöru sem beint er til almennings, svo sem kostnaðar við tilkynningu í fjölmiðlum.

Ýmis ákvæði og gildistaka.

23. gr.

Innlendur framleiðandi eða innflytjandi er ábyrgur fyrir því að snyrtivörur hér á markaði séu í samræmi við ákvæði þessarar reglugerðar.

24. gr.

Með brot gegn ákvæðum 1. til 4. og 17. til 22. gr. reglugerðar þessarar skal farið samkvæmt 26. gr. laga nr. 52/1988, um eiturefni og hættuleg efni, nema þyngri refsing liggi við samkvæmt öðrum lögum.

Með mál sem rísa út af brotum gegn reglugerð þessari skal farið að hætti opinberra mála.

25. gr.

Reglugerð þessi er sett með stoð í lögum nr. 7/1998, um hollustuhætti og mengunarnarnir, lögum nr. 52/1988, um eiturefni og hættuleg efni og lögum nr. 134/1995, um öryggi vöru og opinbera markaðsgæslu að höfðu samráði við viðskiptaráðherra um merkingar og undanþágu frá merkingum.

Einnig er höfð hliðsjón af ákvæðum 1. til 8. tl., XVI. kafla, II. viðauka, samningsins um Evrópskt efnahagssvæði (tilskipun 76/768/EBE um samræmingu laga aðildarríkjanna um snyrtivörur, ásamt breytingum í tilskipunum 79/661/EBE, 82/147/EBE, 82/368/EBE, 83/191/EBE, 83/341/EBE, 83/496/EBE, 83/574/EBE, 84/415/EBE, 85/391/EBE, 86/179/EBE, 86/199/EBE, 87/137/EBE, 88/233/EBE, 88/667/EBE, 89/174/EBE, 89/679/EBE, 90/121/EBE, 91/184/EBE, 92/8/EBE, 92/86/EBE, 93/35/EBE, 93/47/EBE, 94/32/EB, 95/17/EB, 95/34/EB, 96/41/EB, 97/1/EB, 97/18/EB, 97/45/EB, 98/16/EB og 98/62/EB, svo og tilskipun 80/1335/EBE um samræmingu laga aðildarríkjanna varðandi nauðsynlegar greiningaraðferðir til eftirlits með samsetningu snyrtivara, ásamt breytingum í tilskipunum 87/143/EBE, 82/434/EBE, 90/207/EBE, 83/514/EBE, 85/490/EBE, 93/73/EBE, 95/32/EB og 96/45/EB).

Reglugerðin öðlast þegar gildi. Frá sama tíma fellur úr gildi reglugerð nr. 690/1994, um snyrtivörur, reglugerð nr. 628/1996 um breytingu á reglugerð nr. 690/1994, um snyrtivörur og 9. gr. reglugerðar nr. 137/1987 um notkun og bann við notkun tiltekinna eiturefna og hættulegra efna.

Umhverfisráðuneytinu, 22. desember 1998.

Guðmundur Bjarnason.

Magnús Jóhannesson.

VIDAUKI 1

Leiðbeinandi listi yfir flokka snyrtivara.

1. Krem, fleyti, húðmjólk, hlaup og olíur fyrir húð (hendur, andlit, fætur o.s.frv.).
2. Andlitsmaskar.
3. Lituð dagkrem (fljótandi, pastí, púður).
4. Föðunarpúður, baðpúður, hreinlætispúður o.s.frv.
5. Handsápa, ilmsápa o.s.frv.
6. Ilmvatn, snyrtivatn og kölnarvatn.
7. Bað- og steypibaðsvörur (sölt, froða, olía, hlaup o.s.frv.).
8. Háreyðingarvörur.
9. Lyktareyðir, svitalyktareyðir.
10. Hársnyrtivörur;
hárlitunar- og aflitunarvörur,
hárlíðunar- og aflíðunarvörur, festir,
hárlagningarvörur,
hárhreinsivörur (vökvi, hárhreinsiduft, hárpvottalögur),
hárnæringarvörur (vökvi, krem, olía),
hárgreiðsluvörur (vökvi, hárlakk, hárgljái).
11. Rakstursvörur (sápa, froða, vökvi o.s.frv.).
12. Andlits- og augnföðunarvörur og viðeigandi hreinsiefni.
13. Varaáburður.
14. Vörur til tann- og munnhirðu.
15. Naglasnyrtivörur og naglalakk.
16. Vörur fyrir viðkvæm þrif útvortis.
17. Sólbáðsvörur.
18. Brúnkukrem án sólar.

19. Efni til að lýsa húð.

20. Efni sem vinna gegn hrukkum.

VIÐAUKI 2

Listi yfir efni sem óheimilt er að nota í snyrtivörur.

Viðauki 2 er gefinn út í sérstakri handbók sem hægt er að fá hjá Hollustuvernd ríkisins.

VIÐAUKI 3

Listi yfir efni sem leyfð eru í snyrtivörur með ákveðnum skilyrðum.

Viðauki 3 er gefinn út í sérstakri handbók sem hægt er að fá hjá Hollustuvernd ríkisins.

VIÐAUKI 4

Listi yfir litarefni sem leyfð eru í snyrtivörur.

Viðauki 4 er gefinn út í sérstakri handbók sem hægt er að fá hjá Hollustuvernd ríkisins.

VIÐAUKI 5

Listi yfir rotvarnarefni sem leyfð eru í snyrtivörur.

Viðauki 5 er gefinn út í sérstakri handbók sem hægt er að fá hjá Hollustuvernd ríkisins.

VIÐAUKI 6

Listi yfir efni til síunar útfjólublárra geisla sem leyfð eru í snyrtivörur.

Viðauki 6 er gefinn út í sérstakri handbók sem hægt er að fá hjá Hollustuvernd ríkisins.

VIÐAUKI 7

Greiningaraðferðir til eftirlits með samsetningu snyrtivara.

Viðauki 7 er gefinn út í sérstakri handbók sem hægt er að fá hjá Hollustuvernd ríkisins.

VIÐAUKI 8

Tákn sem gefur til kynna að lesa skuli meðfylgjandi leiðbeiningar.

